



27. december 2010

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Naalakkersuisut inissianik sanaartornermut aningaasaliisinnaapput malittarisassat inissialiornermut, illunut ataatsimoorussanut, illuliassanut il.il. tapiissuteqartarneq pillugu Inatsisartut peqqussutaat nr. 11, 19. november 2007-meersoq tunngavigalugu. Malittarisassat illunut sanaqataaffiusunut immikkut sammineqarput peqqussutip kapitali 5-ianni. Tamanna tunngavigalugu Inatsisartut suleriaasianni, § 37, aallaavigalugu, Naalakkersuisutnut apeqquqteqarpunga.

1. Inatsimmi § 48 malillugu Naalakkersuisut illunik sanaqataaffiusunik pigisaqalernissamut taarsigassartitsisinnaapput. Illut qassit taarsigassiiffigineqarsimappat, taarsigassiissutillu aningaasanngorlugu nalinga qanoq annertutigiva?
2. Illu sanaqataaffiusup nalinnaasumik ilusillip akivia tamakkiisoq qanoq annertutigiva, tassungalu ilanngullugu agguaqatigiisitsinermi pisortat tungaanniit taarsigassarsiaritit tapiissutigisallu nappaanermi il.il. tunniunneqartartut qanoq annertutigippat aamalu qanoq nammineq akiliutigineqartartoq agguaqatigiisitsinermi annertutigiva?
3. Inunnut nunatsinni sumiluunniit najugaqartunut taarsigassarsisitsisoqartarlunilu tapiisoqartarpa?
4. Imaassimassappat najugaqarfinni inunnut najugaqarfinni realkreditfinansiering-ip atuussinnaaffingisaani taamaallaat taarsigassarsisitsisoqartarlunilu tapiissuteqartoqartartoq, ersarissartikkusuppara, taamatut immikkoortitsineq politikikkut agguaaassisarnermi naapertuilluarnertut naleqquttutullu isigineqarnerseq.



5. Inatsisip § 50-ia malillugu taarsigassarsiarititat erniaqanngitsutut akilersugassaann-gitsutullu tunniunneqassapput, taarsigassarsiallu piffissami atuuffigisaminni ukiuni 33-nik sivisussuseqartumi ukiut tamaasa annertoqatigiinnik aningaasartaqartinneqarlutik appartikkiartuaarneqassapput. Taamatut aaqqissuussisimaneq tunissummiit sukkut allaanerussuteqarpa, aammalu Naalakkersuisut naapertuilluarnertut isiginerlugu an-nikinnermik annertunerusumilluunniit illunik inunnut aaliangersimasuni najugaqar-tunut aaliangersimasumilluunniit isertitalinnut tunissuteqartarneq, naak nunap inuisa sinneri ineqarnerminnut aningaasartuuteqartariaqartartut ilaatigut qaammammut 10-15.000 kr.-nik annertussusilinnik, kissaatigigunikku namminneq pigisaminnik illoqar-nissaq ineqarnissarluunniit?
6. Inunnut qassinut illunut nammineq kiisalu sanaqataaffiusunut inissanik qulakkeerin-nissimaneq qanoq missiliorneqarpa ukiuni kingullerni 5-10-ni – aammalu pisortat tungaanniit aningaasartuutigineqartut tamakkiisut qanoq annertutigippat?
7. Inunnut qassinut inissanik qulakkeerinnittoqarsimasinnaagaluarpa, namminersorlutik oqartussat aningaasat atorsimasuugunikkit ilaatigut nammineq inissianik tapiissuti-talimmik sanaartornernut aammalu inissanik kommuuninit attartortitassanik tapiis-sutitalimmik sanaartornernut atorneqarsimasuuppata?
8. Inuit arlaat ataasiinnaanngitsumik nammineq imaluunniit sanaqateqarluni illumik pi-nikuuppat? Taamaassimappat tamanna pillugu paasissutissanik annerusunik itisiliis-unik kissaateqarpunga.
9. Inatsisip § 56-ni ersarippoq, Naalakkersuisut taarsigassarsisitsinissamut tapiissuteqar-nissamullu qinnuteqarnissamut piffissarititap sanioqqunnissaanut immikkut ittumik akuersissuteqarsinnaanngitsut. Taamaakkaluartoq Naalakkersuisut piffissap ilaani taamaaliorsimanerlutik?
10. Inatsisip § 59-ni ersarippoq, Naalakkersuisut allamik aalajagigaqanngippata, piginnit-tut nikinneranni § 48 naapertorlugu taarsigassarsiarititat akiligassanngortinneqassa-



sut. Periarfissaq tamanna Naalakkersuisut atorsimanerlugu, aammalu qanoq akulikit-sigisumik sunalu peqqutaalluni pisarsimava?

11. Inatsisip § 60 imm. 1-ni ersarippoq, § 48 naapertorlugu Naalakkersuisut taarsigassarsiarititaat akiligassanngortinneqassasut, taarsigassarsisup naammaginartumik illu aserfallatsaalisimanngippagu. Taamatut aaliangersaasimaneq pitsaasuuvoq, ernumaginarsinnaagami, sanaqateqarluni illuliat nunatsinni BSU aqutigalugu illuliarpassuit atorneraratik uninngaannartut assigalugit aserfallannissaat, taamaasinikkullu eqqarsaatigineqarsimasumiit sukkanerusumik, jf. § 37, stk. 1, illup nalikilliarartussalluni. Taamaattumik ersarissartikkusuppara § 60, nr. 1-mi aaliangernerup, kiisalu immaqa siusinnerusukkut inatsisini atuuttuni malitassat, maannamut qanoq isumaqarsimanageranik.

12. Kingunerit suussagaluarpata sanaqateqarluni illuliorsinnaanermut aaqqissuussisimaneq atorunnaarsinneqartuungaluarpata aaqqissuussisimanermilu aningaasaliissutigineqartartut il.il. Illuut A/S-mut nuutsinneqaraluarpata siunertarineqarluni assersuutitut naliginnaasunik illunik sanaartornissaq aammalu mikinerusunik ilaqutariinnut illunik sanaartornissaq?

13. Naggataagut ersarissartikkusuppara, Naalakkersuisut ataatsimut isigalugu sanaqateqarluni illuliorsinnaanermut aaqqissuussisimaneq tamakkiisumik naammaginneraat aammalu Naalakkersuisut qulequttami eqqartukkatsinni takorluukkat siunertallu suut pigineraat.

(Inatsisartuni ilaasortaq Niels Thomsen, Demokraatit)

Tunngavilersuut:

Inuiaqatigiittut aningaasarsiornikkut annertuumik unammilligassaqarpugut. Misissuinerup kingulliup takutippaa, ukiut tamarluinnaasa isertitatta aningaasartuutittalu oqimaaqatigiinnerat 1 mia. kr.-nik pitsanngortittariaqarigut. Kisitsit annertoorejussuuvoq, ukiumoortumik aningaasanik inatsisiliortarnerni sakkortunerusunik pingaarnersiuinikkut aammalu minnerunngitsumik



nalilinnik naammassisaqarluarsinnaanerup tunngavissinneqarneratigut aaqqiiffigineqartariaqartoq.

Nalilinnik naammassisaqarsinnaaneq annertusiumallugu pisariaqarpoq, politikkikkut tunngaviliisussanik aaliangernissarput. Alloriarneq pingaarutilik tassaavoq, Kalaallit Nunatta sukkaqatigiissumik ineriartorsinnaanerani ineriartortariaqarneranillu eqqarsartarnerup qimannera. Qitiusunik aningaasarsiornikkut ineriartorfiusoqarlunilu ineriartorfiusoqassooq. Qitiusumik aningaasarsiornikkut ineriartorfiusut ilisarnaatigisassaata tassaavoq, imminut nammassinnaasumik inuussutissarsiornikkut ineriartornissaq tunngavississagamikku.

Imminut nammassinnaasumik inuussutissarsiornikkut ineriartornissaq tunngavissinneqassooq, nioqqutinik pilersitsisarnikkut, ilaatigut avatitsinni niuerfennut tunisnaasatsinnik, imaluunniit nunatsinni pilersitsiortornikkut, soorlu ilaatigut takornarissat nunatta avataaneersut pisiarusutaannik.

Qitiusunik aningaasarsiornikkut ineriartorfiusussat ineriartortinnissaannut tunngaviit pingaarnerit ilagaat, sulisut nalilinnik pilersitsisusussat najugassaqaarnissaat. Ajoraluartumik piviusoq unaavoq, qitiusunik aningaasarsiornikkut ineriartorfissaalluarnerusut aamma tassaammata inissaaleqiffiunerpaat. Tamanna imminermi eqqumiiginangilaq, inuimmi najugaqarfiit imminut ilaqtallu pilersornissaannut periarfissarinnerusut ornigartarmatigit.

Taamaattumik nalilinnik pilersitsiortornikkut aningaasarsiorneq politikkikkut tunngavissilluarsinnaavarput inuit najugaqarusunnerat aaqqiiffigineratigut – malugalugu najugaqarfinni aamma suliffiassaqaarfiusuni.

Apeqqutit akeqquneqarput ullut suliffiit naliginnaasut qulit iluanni.